

در سعادته یکی پوسته خانه قارشوسند
دائرة مخصوصه در محل اراره:

مشرط القیام

دین، فلسفه، ادبیات، حقوق و علوم دین باحث هفته لقا رساله در

اضطراب:
مسلك كنزه موافق آثار جدیده مع المنونیه قبول اولنور
درج ایدیلین آثار اعاده اولنار

مؤسسلری: ابوالعلا زین العابدین - ح. اشرف ادیب

تاریخ تأسیسی:

۱۱ نموز ۳۲۴

سنه لکی	الق ایلی	در سعادته
۳۵	۶۵	ولایاتده
۵۰	۹۰	ممالک اجنبیهده
۵۵	۱۰۰	غروشدر

در سعادته نسخه سی ۵۰ پاره در

قیرطه دن مقوا بورو ایله کوندریلیرسه سنوی
۲۰ غروش فضله آلنیر.

در سعادته پوسته ایله کوندریلیرسه ولایات بدلی اخذ اولنور.

عدد: ۴

۳۲۶ شعبان ۲۱ پنجشنبه ۴ ایلول ۳۲۴

برنجی سنه

ایلدی ، مآلنده اوله رق « من عمل بهذه الآیة فقد استكمل ایمان »
بیورملری بوکا اشارت ایدیور - قاضی بیضاوی و ابوالسعود .
مکاتب : هر نه زمان ادا ایدرسه آزاد اولمق اوزره بهاسنی افندیسنه
یازدیرمش یعنی کندوسنی معین بر بدله ربط ایتدیرمش اولان کولهیه
دینور .

استطراد

امور دین بشی اوزرینه دوران ایدر : اعتقادات ، آداب ،
عبادات ، معاملات ، عقوبات . عبادات بشدر : نماز ، زکاة ، صوم ، حج ،
جهاد . معاملات بشدر : معاوضات مالیه ، مناکحات ، مخاصمات ،
امانات ، ترکات . عقوبات بشدر : قصاص ، حد سرقه ، حد زنا ،
حد قذف ، حد ارتداد - اول کتاب الطهارة من رد المختار .

برکت زاره : اسماعیل مهنی

علم توحیدک تعریفی ، صورت تدوینی ، غایتی

— مابعد —

نورالهدی اهل یقین اولان بویه بر شمس فیاض معرفتدن اقتباس
انوار ایدن علمای اسلام طرفندن تدوین ایدیله جک کتب کلامیه نك ام
سالفه نك مدونات اعتقادیه سنه اصلا بکزه میه جکی بدیهی ایدی . مع
ما فیة دائرة اسلامده علم کلامک بر فن مخصوص شکلنده وضع و تدوینی
ایجه تأخر ایتشد .

زیرا عصر سعادته اصحاب رسول (رضوان الله علیهم اجمعین)
مسائل اعتقادیه و عملیه طوغریدن طوغری به مشکلات درختان
نبوتدن اخذ و تلقی ایتدکری جهته نه زمان بر شبهه عارض اولسه
دارالتعلیم الهیده پرورش یاب کمال اولان اونی امی به (صل الله علیه
وسلم) مراجعتله حل اشکال ایدرلردی . آرملرنده نه زمان بر اختلاف
دوشسه جناب احکم الحاکمینک (جل جلاله) طریق وحی ایلله
صدور ایدن قضای اعتراض ناپذیری حقلی بی ده ، حقسزی ده سرفرو
برده انقیاد ایدرلردی . ذاتاً سوق تربیه نبوتله قلب امته بر دریای
جوشان کبی آقان سیل انوار فیوضاته قارشى ظلمات ظنون و اوهامک
ثبات و مقاومت ایتسنه امکان اولمديغندن او زمانلرده بویه بر فنک
وجود بوله جفته بیلله طبعی احتمال و بریلله مزیدی . بناءً علیه اودور فیض
و تعالیده اصحاب کرامک اک بیوک مشغله سی فرقان مبین ایلله سنت
نبویه بی اک اوفق تفرعاتیلله ضبط و قید ایتمکدن عبارت قالدی .

عهد پرفیض نبویدن صکره آرتق وحی منقطع اولدیغندن مرجع
اختلافات کتاب الله ایلله سنت رسول الله اولدی . حضرت صدیق
اعظم ایلله حضرت فاروقک (رضی الله عنهما) ایام خلافتلرنده بر
طرفدن عهد نبوتک خاطرلرده کی تأثیراتی هنوز باقی قالمسی ، دیگر طرفدن
توسیع دائرة اسلام و اعلاى کلمة الله ایللک کبی مهمات امور ایلله اشتغال
ایلدیسی حسیله مسائل عملیه و اعتقادیه جه خلقه عارض اولان شبهه لر

توجه جامع انواع خیر و طاعات اولدیغنی ادعا ایلش اولدقلرندن جناب
منزل الفرقان انلره خطاباً بیور یورکه (یوزلریکزی جهت مشرق
ومغربه دوندر مکز بر (وخیر و طاعت) دکلدرد) یاخود بروخیر و طاعت
یوزلریکزی سمت مشرق و مغربه دوندر مکز دکلدرد . ولکن (تحصیل
واکتسابه بذل مقدرت اولنه حق) بر (وخیر و طاعت) اول کیسه لر در
(اول کیسه لرک بروخیر و طاعتی در) که انلر الله (یعنی اشرا کدن بری
اوله رق یالکز جناب حقه) و (وجه صحیح اوزره) آخرته و ملکله
(بونلرک جناب حق ایلله انبیاسی اره سنده القاء وحی و انزال کتب
ایلله توسط ایدر عباد مکرمین اولدقلرینه) و کتابه (کتب منزله و بوجه دن
بولان فرقان حکیمه) و انبیاسیه (بونلرک هیچ برخی بری برندن تفریق
ایتمه لرک جله سنه) ایمان ایتدی . و حباً لله اقربیه و (محتاجین) ایتامه
(مسکینلره) تسللدن تعفف ایدن محتاجینه — شیخزاده) و ابن سبیلله
یولچی به) و (حاجت و ضرورت کنسیدلرینی ذل سنواله الجا ایتمش)
سائلله مال و یردی و (فک) رقابده (یعنی مکاتبلره بدل کتابلرینی ادا
ایتمک اوزره معاونت ایلله انلرک رقبه لرینی فک و تخلیصه و یاخود اسرانک
فک و تخلیصلرینه و یاخود آزاد ایتمک اوزره مملوکلر اشتراسته) مال وضع
و تخصیص ایلدی . و نماز قلدی (صلوات مفروضه بی ادا ایتدی) و (اوزرینه
فرض اولان) زکاتی و یردی . و انلر (بین الناس جاری اولان عهدوددن
حلالی تحریم و حرامی تحلیل ایتیمان بر عهد ایلله) معاهده ایتدکاری
زمان عهدلرین ایفا ایدرلر و (علی الخصوص فقر و مرض کبی) محن
و شدائدده و (مواقع حربده دشمن ایلله) حرب و جهاد و تشده صبر
و متانت کوسسترلرله ایشته (دینده و حقه اتباعده و تحری فضاثلده)
صادق اولانلر و (کفر و سائر رزائلدن) تقوی (واجتباب) ایدنلر
بونلردر (بو اوصاف مدوحه بی حائز اولانلردر) .

بانک کسری و رانک تشدیدبلله (بر) هر فعل مرضیه دینور —
قاضی بیضاوی . (بر) مرضی خصالی جامع اسمدر - ابوالسعود .
(بر) جناب حقه تقریب ایدن انواع خیر و طاعاتی جامع اسمدر -
روح المعانی .

« ایس البر » قول شریفنده (بر) کلمه سنی ائمه قراءدن عاصمک
راویلرندن بولنان خفص حضرتلرله ائمه قراءدن جزه حضرتلری
(ایس) نك خبر مقدمی اولمق اوزره نصب ایلله و دیگر قراء و رواة
(ایس) نك اسمی اوله رق رفع ایلله قرائت ایتشدلردر - شیخزاده .
بو آیت کریمه تصریحاً و تلویحاً بتون کالات بشریه بی جامعدر .
زیرا کالات بشریه کثرت انواعیلله برابر اجالاً شواوچ شیشه منحصردر :
صحت اعتقاد ، خلق ایلله حسن معاشرت ، تهذیب نفس . بواوچ
شیدن اولکنه ، آیت کریمه ده ذکر اولنان اموره ایمان ، ایکنجیسنه
امور خیره اعطای مال ، ارچنجیسنه اقامه صلاة و سائر ایلله اشارت
بیورلشدرد . بونکچوندکه بواوصافی حائز اولانلر ایمان و اعتقادلرینه
نظراً صدق ایلله و خلق ایلله معاشرت و حق ایلله معامله لری اعتباریلله
تقوی ایلله توصیف اولنمشلدردر . رسول اکرم صلی الله علیه وسلم
افندمک کیم که بو آیت ایلله عمل ایتدیسسه علی التحقیق ایمانی استکمال

هر ایکسیده حقدور . شیخ اشعری نصرکه کلن امام الحرمین ، ابو اسحق اسفرائینی ، ابوبکر بافلانی ، امام غزالی ، فخرالدین رازی کبی هر بری بر قومه سرمایه فخر و مباهات اولمغه کافی کلن اعظم امت هپ مذهب اهل سنتی تأیید ایدرک ایکی عصر ایچنده فرق ضاله منتسبلرینی عددرلی قاله بیله آلمیه حق درجده ازالتدیلر .

شوراسیده شایان قید و تذکاردرکه بو اختلافات اصول اعتقاده متعلق آیات قرآنییه واحادیث نبویه نك صورت تلقی وعقله صورت تطبیقندن نشئت ایدوب یوقسه بو فرقه لرك اکثری ده ظواهر نصوصی اولدینی کبی قبول ایدرک اعماله تعلق ایدن فرائض دینییه بی انکار ایتدیکری جهته تبلیغات نبویه قبول ایتدیکری نظر اعتباره آلان اهل سنت آنلری تکفیر ایتزلر . ویالکز « ضالته قالمشدر » دیرلر .

دین مبین اسلامک قدر و منزلتی انظار اهل تدقیقه اعلا ایدن جهاتدن بریده اهل سنتک بونجه مخاصمین اوزرنده کی بوعبیه قهارانه سی سطوت سیف و سنان ایله دکل ، وضوح حجت و برهان ایله حاصل اولمسیدرکه ملک قرآنه بوضووته ده موافقت ایتسیله فرق سائریه فضل و رجحانی اثبات ایشدر .

الحاصل قرآن عظیمک ، رسول کریمک ، اجاع و اتفاق اصحاب و تابعینک ، اهل سنتدن اولان بالجله مشکمینک دلالت و تصریحنه نظراً دین مبین اسلام حقنده کی اعتقاد من شودر : بودین دین توحیددر . وضع ایتدیکری قواعدده موجب تفرقه برشی یوقدر . اک بی-وک معینی عقل ، اک قوی رکنی ایسه ثقلدر . بونک خلافتده اولان اعتقاداته کلنجه تسویلات شیطانیه دن بشقه برشی دکلدر . کلام الله مدعایه شاهددر . خطا و صوابن ایچون معیار صادقدر . علم کلامک غایه سی - اولجده دیدیکمز کبی - ذات باری بی حقنده اثباتی واجب اولان صفات مقدسه سیله برابر بیلک ، حقنده مستحیل اولان خصوصاتدن تنزیه ایتک و نفسنه اطمینان تام و بره جک بریقین ایله انبیای عظامی تصدیق ایتدیکدرکه هر مکلفه فرض عین اولان بواعقاداتی اکتساب ایچون کتاب مبین الهمیزک بزى ارشاد ایتدیکری اوزره تقلیده قابلیق دکل ، دلیله استناد ایتک لازمدر . زیرا کندیسنی « ذکر حکیم » اولمق اوزره توصیف ایدن قرآن عظیم تحصیل یقین ایچون اعمال فکر و نظر و علی قدر الاستطاعه دقایق کونییه بی تحریر و تفتیش ایتک صراحة امرایله (واذقیل لهم اتبعوا ما نزل الله قالوا بل نتبع ما الفینا علیه آباءنا اولوکان آباءهم لایعقلون شیئاً ولا یتدون [۱]) (اذ قال لاییه و قومده ماهذه التماثل الی انهم لهما کفون . قالوا وجدنا آباءنا لهما عابدین قال لقد کنتم انتم و آباؤکم فی ضلال مبین) (واذ فاعلو فاحشاً قالوا وجدنا علیها آباءنا والله امرنا بها قل ان الله

[۱] آنلره طرف باریدن انزال اولنان قرآنه اتباع ایدیکز دیندیکری زمان « بابالرمزی بولدیغمز یوله اتباع ایدرز » جوابن ویرلر . عجبا آباء و اجدادلری عزیز عقل و بصیرتدن محرومده اولسه لر ، هدایتدن بی بهره ده بولسه لر بینه آنلره اتباع ایدر جکلمی ؟ (۲) ابراهیم علیه السلام پدریه قومنه « عبادتیه مشغول اولدینکز شو تصویرلر نه در » دیدیکری زمان « بز بابالرمزی بوکا عبادت ایدر بولقد ده آنک ایچون عبادت ایدیورز » جوابی ویردیلر . بونک اوزرنه حضرت خلیل « سزده » بابالریکرده غایت صریح برخطاده بولمشکیز دیدی .

اقل قلیل اولوب بونلرده بو ایکی خلیفه ذیشانک و بعضاً دیگر اعظم اصحابک رأی و قرارلریله حل اولنوردی .

لکن اصحاب تابعینک فتوحاتی لمحالبصر دینله جک بر زمان قصیر ایچنده حدود اسلامییه سد چیندن مغرب اقصایه ، جزیره العربدن قفقاسیه قدر توسیع ایتدیکندن و اداره اسلامییه تسلیم کردن اطاعت ایدوب فوج ، فوج نعمت عظمای اسلامی بالطوع والرضا قبول ایتدیکه باشلایان میلیونلرجه خلق اسکی اعتقادات جاهلانلرینک بر قسمی ده محافظه ایتدیکلرندن ده ایکنجی عصر هجریده اعتقاد خصوصنده یکی ، یکی بدعتلر ، قضا و قدر و خالق قرآن مسئله لری کبی یکی ، یکی شهملر ، یونان حکمای قدیمه سنک انتشار ایدن فلسفه لرینی قرآنه تطبیق هوسندن متولد یالن ، یا کلش فکرلر ظهور ایتدیکه باشلادی که علم کلام ایشته بویله بردورده بویله براحتیاج عظیم و مبرم اوزرنه بر فن مستقل حالنده تدوین ایدلدی . بو قدر افکار متخالفه نك تولید ایتدیکری فرق ضاله نك هر بری کندی مذهبی تأیید ایچون متعدد کتابلر تألیف ایتدی . جناب حقک فرقه ناجیه بی الی یوم القیام پایدار ایتک کبی بروعد جلیل سبحانیسی اولمسه یدی ده اوتارینلرده ام سالفه ده اولدینی کبی بونجه مغالطه لر آره سنده حقیقت یوق اولوب کیدردی . لکن (اما نحن نزلنا الذکر وانا له لحافظون) [۱] وعد عالی الهیسی اقتضاسیجه قرآن عظیم الشان بر حرقة تغیر و تحریف عارض اولمده دن صدور امتده محفوظ بولنیوردی . احادیث نبویه بی جمه هر وقتدن زیاده اعتنا اولنهرق ضبط ایدیلیوردی . یکدیگرینی نقض ایدن بونجه افکار متخالفه قاصر غلری آره سنده حقایق قرآنییه ید بیضای قدرته دیکلمش برهیکل معظم نورانی کبی تنویر ابصار بصیرت اید یوردی . یکدیگرینی تکفیر درجه سنده بر برینه اعلان خصومت ایدن بونجه اهل اختلاف آره سنده حقیقت بین اولان علمای کرام کتاب و سنت کبی ایکی خط استوای سلامته النجا ایدرک مدافعه و تعرض و نهایت بالجله خصمایه کلیاً غلبه ایتدیلر . دین مبینی چرکابه اوهام و ظنوندن تطهیر ایچون ملائکه امداد کبی من طرف الله خلق و تسخیر یور یالن و سنت سنیه بی کندیلرینه پیشوا اتحاد ایتدیکلرندن دولای اهل سنت نامی آلان ذوات مشار الیه حضراتنه نه درجده متدار اولدیغمزی سونلک زائددر .

حقیقت اوغورنده مجاهدات و مجادلات طاقت براندازانه لر یله شهرت آلان علمای اهل سنتک اک سرفراز و بنامی (شیخ ابو منصور ماتریدی) ایله (شیخ ابوالحسن اشعری) درکه اهل سنت عملده حنفیه ، شافیه ، مالکیه ، حنبلیه مذهب لرینه منقسم اولدیکلری کبی اعتقادده ماتریدی و اشعریه مذهب لرینه انقسام ایدرلر .

مذاهب اربعه بیننده کی اختلاف فصل صوری و بونلرک دردی ده فصل حق اعتبار اولنیورسه اشعریه ایله ماتریدی بیننده کی اختلاف ده غایت جزئی و صوری در .

[۱] قرآنی انزال ایدن بز . الی یوم القیام محافظه ایدر جکده بینه بز

آراسنده کی اختلافك اڅ بیوکی جهاز تناسله کورولورسده دیکر عضولرك کافه سنده، حتی بربرینه اڅ زیاده بکزی نلرنده بیله بر خصوصیت عیاندړ .

محرر هر ایکی جنسك بتون اعضاسنی غایت دقیق بر معاینه تشریحی ایله مقایسه و تطبیق ایترکدن صکره دیورکه: «قادینك ترکیب بدنسی چوچقلرککه یاقیندړ . بونك ایچون قادینلرده جوچقلر کڅی دفرط برحساسیت مالکدړ . سوچ ، الم ، قورقو کڅی احتساسات مختلفه د غایت جابق متأثر اولورلر . حالبرکه بوثرات بلا تعقل اجرای فعل ایندیکی ایچون اوزون مدت دوام ایتمه رڅی سریمآ نحو اولورلر . اڅ بوندن طولابی قادینلر تباتسراغه معروضدرلر .

عین کتابده شو مطالعته تصاف اولنور: «انسانلرك همسی بیلیرکه طبیعت قادینلره بتون پارلایان، کندیلرینه زینت و یرن، حسن و جمالربری آرتیران شیلره قارشى شدید بر محبت و یرمشدر . جلی اولان بو محبت ایسه پك مشروددر . زیرا قادینده اولان هرشی کندیسی تزیینه محتاج ایتمشدر . هم بو احتیاج اونك یالکز ترکیب طبیعیتندن طولابی دکل، بلکه هیئت اجتماعیه قارشى اولان وظیفه سیله ده نابدر . اوله یاه، بو بر وظیفه درکه قادین اونى انجق نفوسه القا ایده جکی انجذاب سایه سنده ایفا ایده بیلیر .

ایشته قادینلر قوتلرینك بوانجذابه مربوط اولدیغنی بیلدکاری ایچون آرایش و جالی آرتیران هر نه وارسه بیچاره لره پك کوچا کله مقاومت ایده بیله جکری قدر شدید بر صورتده تأثیر ایدر، اولانجه هوسلرینی، تمایلرینی اویاندرلر، حتی اڅ عقلیلری، اڅ پاکدامنلری بیله بوقاعده دن خارج اوله ماز .

اشتراکیوندن فیلسوف شهیر (پرودون) دیورکه: «قادینلرك عقلی بزمکندن نه قدر ضعیف ایسه وجدانلری ده اوقدر ضعیفدر، اخلاقلری بزم اخلاق طبیعتنده دکلدر . قادینلر طرفندن بر شینك حسن و قبحه دائر و یریه جك حکم ارککک ویره جکی حکمک عینی اوله ماز .

کذلک بزه نسبتله قادینلر لایقيله تربیه ایدلمه مشعد اولنه بیله جکندن هر حال ایجه نظر امعانه آلیرسه عدالت قارشى افراطدن ، تفریطدن خالی قالمدیغنی کوریلور، زیرا مساواتسرق اونك خصائصندړ . حقوقك، وظائفك توازنه قادینده بر میل کوریلهمز، حال بوکه ارککى متألم ایدن، تسکین ایده مدیکی صورتده ابنای نوعنه قارشى حرب آچسنى انتاج ایله ین سائق بومیلدن عبارتدر . قادینك بوعالمده اڅ زیاده سودیکی، پرستش ایندیکی بر شی وارسه امتیازاته، خصوصیاته نائل اولمقدر . هله صنوف بشری بر سوبیه کترین عدالت قادینك چکه میه جکی بر یو کدر .

بوسوزلراون طقوزنجی عصرک محیط العلومیله غرب مشاهیر فلاسفه سندن بر حکیم اشتراکی نك اقوالیدر . (المرأة الجديدة) مؤلفك استشهاده ایلدیکی ذاتك سوزینه کلنجه اونك بو موضوعده هیچ بر دکری یوقدر . یعنی اجماع امتله ثابت اولان حقائقه نسبتله افکار آحاد نه مرتبه ده قایرسه اوده

لایامر بالفحشاء اتقولون علی الله مالاعلمون [١] (وکذلک ما ارسلنا من قبلك فی قریة من نذیر الا قال مترفوها انا وجدنا آباءنا علی امة وانا علی انارهم مقتدون قال اولو جئکم باهدى مما وجدتم علیه آباءکم قالوا انا بما ارسلتم به کافرون فانتقمنا منهم فانظر کیف کان عاقبة المکذبین) [٢] کڅی آیات کریمه ایله نعمت هدایتدن بی نصیب قالان امتلرك اثر آباء واجداده اتباعاً ضلالتده قالمربی تقبج ایتک وبو حالربنه جزاء وجودلرینك صحایف عالمدن سیلندیکنی حکایه ایتک صورتیه کور کورینه تقلیددن بزى ضمناً نهی ایتشدر . نه حکیمانه برامرا نه رحیمانه برنهی! فی الحقیقه حد تقلیدی تجاوز ایده میه جك درجه ده عرفان واذعاندن محروم اولانلر حتی ره راستلرنده بولدقلى ایچون قبول ایتدکاری، باطلی ده ینه او سببله قبول ایتک شئامته معروض اوله بیلورلر . نافیقه قبول ایدرلر، مضری ده . بو حال ایسه انساندن زیاده حیوانه یاقیشور احوالندړ .

احمد نعیم

مسلمان قادینی

مؤلفی: فرید وجدی

برنجی فصل

قادین نه در ؟

قادین شریف بر مخلوقدر که قدرت فاطره اونى نوع انسانينک تکثیرینه تخصیص ایتمشدر . بو نظردن وظیفه سی غایت علویدر ، ارکک بو خصوصده اونکله مسابقه قدرتیاب اوله ماز .

ذاتاً بووظیفه مهمه یی ادا ایده بیلسی ایچون خالق حکیم قادینی محتاج اولدیغنی اعضایله تجهیز ایتش، اوعضولری ده کمال زینت و انتظام ایله ابداع ایتشدر . هله بووظیفه نك استلزام ایندیکی شیلره امعان ایله باقیلنجه کوریلورکه دست فطرت قادینی یالکز اونك ایچون ، اووظیفه ایچون یاراعمشدر . بوسپدن قادینك بنیه سیله ارککک بنیه سی آرا سنده کی اختلاف ، بو ایکی جنسك عین میدان مسابقه ده بولملری ایچون یارادلمش اولمقلربنی بداهه ناطق اوله جق درجه ده عظیمدر . اون طقوزنجی عصرک آنسیقلویدیسنده [محیط العلوم] قادین کله سی آلتنده شوسوزلر کوریلور: «قادینك ارککدن فرقی یالکز اعضای تناسلیه لرنده کی اختلافه منحصر دکلدر . اوت ، واقعا بوايکی جنس

[١] آنلر غایت چیرکین برشی یاپدقلى زمان «بابالرمزى بوبله بولدق بوللری دیمک که بزه اهتعالی امرا ایتشدر» دیرلر، آنلره «جناب حق کوتولکی هیچ بروقنده امر ایتمز . بیلمدیککز برشی یلانن الله نصل اسناد ایدرسکز؟» جوابی ویر .

[٢] عینله بوللرله اولدیغنی کڅی سندن اول هر هانکی برملکته برسول نذیر کوندردکسه اوملککک رؤسا وجباره سی «بزدده لرمزى شو طوتدیغمن دین وطریق اوزره بولدق . بناء علیه آنلرك اثرینه اقتدا ایده رز» دیدیلر . اورسولده «دده لركکک طوتدیغنی دیندن دها معقول ودها طوغری بردین کوسترسه مده ینه آنلره اتباع ایده جکمیسکز» دیردی . آنلرایسه ینه «سبب ارسالکز اولان بودینه کافرز» دهرک عناد واصرار ایدرلردی . بزدده بونك ایچون آنلری گرفتار نعمت ایلدک . پیغمبرلرمزى تکذیب ایدلرك عاقبت حالى باقى نهیه منجر اولدی .